



Broj: 04-40-2060-2/20
Ključ, 29.12.2020. godine

Na osnovu člana 40. Statuta Općine Ključ („Službeni glasnik Općine Ključ“, broj: 3/10 i 3/11), Općinski načelnik Općine Ključ donosi:

P R A V I L N I K
o sufinansiranju jesenje sjetve na području općine Ključ u 2020. godini

Član 1.

Ovim pravilnikom propisuju se uslovi koje moraju ispunjavati pravna lica, obrtnici i fizička lica (u daljem tekstu: kandidati) da bi ostvarili pravo na sufinansiranje jesenje sjetve na području općine Ključ u 2020. godini (u daljem tekstu: novčane podrške), uređuju se postupci za njihovo ostvarivanje, načini isplate, plan raspodjele i potrebna dokumentacija.

Član 2.

Za sufinansiranje jesenje sjetve na području općine Ključ u 2020. godini na način kako je to regulisano ovim pravilnikom, koristiti će se sredstva u ukupnom iznosu od 100.000,00 KM i to:

- 30.000,00 KM iz Budžeta Općine Ključ, pozicija „Podsticaj poljoprivrednoj proizvodnji“ ekonomski kod 614500 i
- 70.000,00 KM od Federalnog ministarstva poljoprivrede, vodoprivrede i šumarstva u skladu sa Sporazumom o realizaciji Programa poticanja jesenje sjetve

Član 3.

Kriteriji za odabir kandidata su slijedeći:

- da je upisan u Registar poljoprivrednih gazdinstava, odnosno u Registar klijenata,
- da je primarna poljoprivredna proizvodnja ostvarena na području općine Ključ,
- da je izvršio jesenju sjetvu u 2020. godini, odnosno izvršio kupovinu sjemena, mineralnog gnojiva i zaštitnih sredstava za proizvodnju pšenice, raži i ječma.

Član 4.

Zainteresirani poljoprivredni proizvođači su dužni uz prijavu na Javni poziv dostaviti fiskalne račune odnosno drugi dokaz o izvršenoj kupovini repromaterijala navedenog u članu 3. ovog pravilnika.

Član 5.

Maksimalan iznos novčane podrške koji krajnjem korisniku može biti odobren za sufinansiranje jesenje sjetve iznosi 1.000,00 KM. Ukoliko zbroj iznosa obračunate novčane podrške za sve pojedinačne zahtjeve premaši iznos naveden u članu 2. ovog pravilnika, izvršit će se proporcionalno smanjenje svih odobrenih novčanih podrški.